

摘藻堂四庫全書薈要

集部

欽定四庫全書薈要

集部

漢魏六朝百三家集卷九十九



詳校官候選知縣臣吳甸華

欽定四庫全書薈要卷一萬九千六百九十一

集部

漢魏六朝百三家集卷九十九

明 張溥 輯

庚肩吾集

表

為寧國公讓中書表

臣聞陟彼太行伯后之車屢怠望茲吳坂少游之馬難
躋是知美非流水立致摧轅駿靡浮雲便期頓轡起登

天漢寧培九萬之風坐濟星橋非使千年之翼豈有幼
稱辯慧足對元禮弱標俊穎能嘲子叔玉重組長空見
休寵深宮邃宇孰知懷憂

為南康王讓丹陽尹表

臣聞劍鏤七星非有司天之用簾圖五嶽寧識崇朝之
雲是知策彼泥龍不能令其逐日乘斯流馬安可使其
奔電方今振鷺盈庭白駒空谷惟帝念功惟明克允君
子之國幸聞其讓石門之水獲免于貪

章

為武陵王拜儀同章

臣宅慶紫霄聯休皇極地均指日既無跡而成高仕若
乘風故不行而自遠今者四郊無壘天下同文都尉春
田猶居塞外單于冬獵不入漁陽臣坐牧三邊非勞士
戰豈能屯兵大夏封萬里之侯飛箭遼城受千金之壽
論其才望有懼茂弘先佩印綬常羞叔度

啟

謝厯日啟

凌渠所奏弦望既符鄧平之言錨銖皆合登臺視朔觀
雲物之必書拂管移灰識權衡之有度初開卷始暫謂
春留未覽篇終便傷冬及裴回厚渥比日為年

謝賚銅硯筆格啟

烟磨青石已踐孔氏之壇管挿銅龍還笑王生之壁西
域胡人卧織成之金簾游仙童子隱芙蓉之行郭莫不
並出梁園來頒狹室

謝賚粳米啟

出梁國之關租兼水陸之殊品伊尹說而不至石崇豪
所未及遇處嘿之得賓同符朗之舉著長河可塞上德
無訓

謝賚菱啟

上林紫水雜蘊藻而俱浮雲夢清池間芙蓉而外發珍
踰百味來薦畫盤恩重千金遂沾菲席凌霜朱橘愧此
開顏含露蒲桃慙其不餉

謝賚梨啟

睢陽東苑子園三尺新豐箭谷枝懸六斤未有生因粉
水產自桐丘影連鄧橘林交苑柿遠薦中厨爰頌下室
事同靈棗有願還年恐似仙桃無因留核

謝賚橘啟

光分璇宿影接銅峰去青鳥之迢遞服朱闥之爽塏楚
原洪筆頌記不遷陳王麗藻賦稱遙植昔朝歌季重纔
賜海魚大理元常止蒙秋菊

謝賚林檎啟

丹徒故苑歲綿長而不見岷山舊植路重阻而來難未
有徙核圓丘移根閭坂仙厨始摘猶堆青玉之盤下賤
爰頌遂入抽蒲之座

謝賚朱櫻啟

成叢殿側猶連制賦之條結實西園非復粘蟬之樹異
合浦之歸來疑藏朱實同秦人之逐彈似得金丸

謝賚檳榔啟

形均綠竹詎掃山壇色譬青桐不生空井事踰紫柰用
兼芳菊方為口實永以蠲痼

謝東宮賚檳榔啟

無勞朱實兼荔支之五滋能發紅顏類芙蓉之十酒登
玉案而上陳出珠盤而下逮澤深溫柰恩均含棗

謝東宮賚米啟

潢水鳴蟬香聞七里瓊山合穎租歸十縣肩吾人慙振
藻徒降雲間之松職濫更繁空撤家丞之俸成珠委地

事重逢仙游玉為糧珍踰入楚雖復激水滄流不待監
河之說春風掃地方謂文學之篇

謝東宮賚粟啟

查或火成鑽以為屑奈稱煎用曝而成糗未若北燕巨
實用奪榮枯南國脯山翻慙齒決承恩踴躍對聞喜之
河念報屏營問知來之息

謝東宮賜宅啟

肩吾居異道南才非巷北流寓建春之外寄息靈臺之

下豈望地無湫隘里號乘軒巷轉幡旗門容憶蓋況乃
交垂五柳若元亮之居夾石雙槐似安仁之縣却瞻鍾
阜前枕洛橋池通西舍之流窻映東鄰之棗來歸高里
翻成待封之門夜坐書臺非復通燈之壁才下應王禮
加溫阮官成名立無事非恩

謝東宮示古跡啟

竊以仙巖遺傳入握成塵孔壁藏文隨開已蠹石書有
暗厨畫猶飛豈有跡經四代年踰十紀芝英雲氣之巧

未殞松鉤鵲反鸞驚之勢不侵蒲竹必使酒肆人來池
流色變將損北海之牘還代西河之簡

謝東宮賚內人春衣啟

階邊細草猶推綏葉之光戶前桃樹反訝藍花之色遂
得裾飛合鸞領鬪分鸞試顧採薪皆成留客

謝湘東王賚米啟

味重新城香踰滂水連舟入浦似彥伯之南歸積地為
山疑馬援之西至不待候沙同新渝之再熟無勞拜石

均遼倉之重滿前恩未遠次渥仍流墨翟假以故書裴
楷暫其國賜

答湘東王賚粳米啟

竊以農夫力耕時逢儉歲疎賤時澤必取豐年極斛瀉
珠嘉聞陶量翻庭委玉欣見馬圖

謝湘東王賚米啟

竊以月滿則虧恩來無壅海潮雖大萬江恒注遂使連
箱委地不殊陽翟盈倉接宇寧異海陵

謝湘東王賚柑啟

傳名地理遠自武陵之洲族茂神經遙聞建春之嶺王
逸為賦取對荔枝張衡制辭用連石蜜足使萍實非甜
蒲萄猶餽

答武陵王賚絹啟

肩吾啟蒙賚絹二十疋清河之珍丘園慙其束帛關東
之妙潛織陋其卷綃下官謬忝扁舟暫瞻還旆而天人
渥眄增餘論之榮江漢安流無沿洄之阻遂使鶴露宵

凝輕締立變鴈風朝急治服成溫有謝筆端無辭陳報
不任下情謹奉啟事謝聞謹啟

謝武陵王賚白綺綾啟

圖雲緝鶴鄴市稀逢寫霧傳花叢臺罕遇雖復馬均騁
思比巧猶慙虞卿受金方恩未重比扁舟獨反燕路有
心載寶言歸銜珠無日

答陶隱居賚朮煎啟

竊以綠葉抽條生於首峰之側紫花標色出自鄭巖之

下百邪外禦六府內充山精見書華神在錄木榮火謝
盡採擷之難啟旦移申窮淋瀝之劑故能競爽雲珠爭
奇水玉自非身疲掌硯役倦攀桃豈可立致還年坐生
羽翼臨沅丹井方覺可捐酈縣菊泉無勞復汲庶得遨
遊海岸追涓子之塵馳驚霍山共陳王為侶謠俗輕施
尚曰難酬出世鴻恩寧知上報

答陶隱居賚木蒸啟

味重金漿芳踰玉液足使芝慙明麗丹愧芙蓉坐致延

生伏深銘戴

答餉綾紋啟

潔同雪霜華踰紵綺長裾可曳無愧王門之賓廣袖將裁翻有城中之製

謝炭啟

識慙曼倩似見昆明之灰清愧伯鸞不復因人之熱

序

書品序

玄靜先生曰予遍求邃古逖訪厥初書名起于玄洛字
勢發于倉史故遺結繩取諸文象諸形會諸人事未有
廣此絨繚深茲文契是以一書加大天尊可知二力增
土地卑可審日以君道則字勢圓月以臣輔則文體缺
及其轉註假借之流指字會意之類莫不狀範毫端形
呈字表開篇玩古則千載共朝削簡傳今則萬里對面
記善則惡自削書賢則過必改玉厯頌正而化俗帝教
陳言而設教變通不極日用無窮與聖同功參神並運

爰泊中葉舍繁從省漸失潁川之言竟逐雲陽之字若
乃鳥跡孕于古文壁書存于科斗符陳帝璽摹調蜀漆
署表宮門銘題禮器魚遊舍鳳鳥已分蟲仁義起于麒
麟威形發于龍虎雲氣時飄五色仙人還作兩童龜若
浮溪蛇若赴穴流星疑燭垂露似珠芝英轉車飛白掩
素參差倒殪既思種柳之謠長短懸針復想定情之製
蚊脚傍低鵠頭仰立填飄板上謬起印中波回墮鏡之
驚楷顧雕陵之鵲並以篆籀重複見重昔時或巧能售

酒或妙令鬼哭信無味之奇珍非趨時之急務且具錄
前訓今不復兼論惟草正疏通專行於世其或繼之者
雖百代可知尋隸體發源秦時隸人下邳程邈所作始
皇見而重之以奏事繁多篆字難製遂作此法故曰隸
書今時正書是也草聖起於漢時解散隸法用以赴急
本因草創之義故曰草書建初中京兆杜操始以善書
知名今之草書是也余自少迄長留心茲業澡手謝於
臨池銳意同於削板而戴山之扇竟未增華凌雲之臺

無因誠子求諸故迹或有淺深輒刪善草隸者一百二十一人伯英以稱聖居首法高以追駿處末推能相越小例而九引類相附大等而三復為略論總名書品

書品後序

今以九例該此衆賢猶如玄圃積玉炎洲聚桂其中實相推謝故有茲多品然終能振此鱗翼俱上龍門倘後之學者更隨點曝云爾

論

書品論一

上之

張芝伯英 鍾繇元常
王羲之逸少

隸既發源秦始草乃激流齊相跨七代而彌遵將千載
而無革誠開博者也均其文總六書之要指其事龍八
體之奇能拔篆籀于繁蕪移楷真于重密分行紙上類
出繭之蛾結畫篇中似聞琴之鶴峰嶠間起瓊山慚其
斂霧漪瀾遞扶碧海愧其下風抽絲散水定其下筆倚
刀較尺驗于成字真草既分于星芒烈火復成于珠珮

或橫牽豎掣或濃點輕拂或將放而更留或因挑而還
置敏思藏于胸中巧意發于毫銖詹尹端策故以迷其
變化英韶傾耳無以察其音聲殆善射之不注妙斲輪
之不傳是以鷹爪舍利出彼兔毫龍管潤霜遊茲蠅尾
學者鮮能具體窺者罕得其門若探妙測深盡形得勢
烟花落紙將動風彩帶字欲飛疑神化之所為非人世
之所學惟張有道鍾元常王右軍其人也張工夫第一
天然次之衣帛先書稱為草聖鍾天然第一工夫次之

妙畫許昌之碑窮極鄴下之牘王工夫不及張天然過之天然不及鍾工夫過之羊欣云貴越羣品古今莫二兼撮衆法備成一家若孔門以書三子入室矣允為上之上

書品論二

上之中

崔瑗子玉

杜度伯度

師宜官

張昶文舒

王獻之子敬

崔子玉擅名北中跡罕南度世有得其摹者王子敬見之稱美以為功類伯英杜度濫觴于草書取奇於漢帝

詔復奏事皆作草書師宜官鴻都為最能大能小文舒
聲劣于兄時云亞聖子敬泥帚最驗天骨兼以製筆復
識人工一字不遺兩葉傳妙此五人允為上之中

書品論三

上之
下

索靖幼安

梁鵠孟皇

韋誕仲將

皇象休明

胡昭孔明

鍾會士季

衛瓘伯玉

荀爽長裕

阮研文機

幼安斂蔓舅氏抗名衛令孟皇功盡筆力字入帳中仲
將不妄染毫必須張筆而左紙孔明動見模楷皆謂胡

肥而鍾瘦休明斟酌二家聯駕八絕士李之範元常猶
子敬之稟逸少而工拙兼效真草皆成伯玉遠慕張芝
近參父迹長脗狸骨方擬而難迨阮研居今觀古盡窺
衆妙之門雖復師王祖鍾終成別構一體此九人允為
上之下

書品論四

中之上

張超子並

郭伯道

劉德昇君嗣

崔寔子真

衛夫人名鑠

字茂猗

李式景則

庾翼稚恭

郝惜方回

謝安安石

王珉李琰

拓玄敬道

羊欣敬元

王僧虔

孔琳之彥琳

殷鈞季和

子並崔家州里頗相倣效可謂醬鹹于鹽冰寒于水伯
道府問朝廷遠封其跡德昇之妙鍾胡各採其美子真
俊才門法不墜李妻衛氏自出華宗景則毫素流靡穉
恭聲彩道越郝愔安石草正並驅李琰栢玄筋力俱駿
羊欣早隨子敬最得王體孔琳之聲高宋氏王僧虔雄
發齊代殷鈞頗耽愛好終得肩隨此一十五人允為中
之上

書品論五

中之中

魏武帝曹操孟德 吳主元宗孫皓

衛覬伯儒 左子邑伯字 衛桓巨山

杜預元凱 王廙世將 張彭祖 任靖

韋旭文休 王修敬仁 范懷約

張永景初 吳休尚

施方泰

魏帝筆墨雄贍吳主體裁綿密伯儒兼叙隸草子邑分

鍾梁邯巨山三世元凱累葉王廙為右軍之師彭祖取

羲之之道任靖矯名文休題柱敬仁清舉致畏逼之詞

張范逢時俱東南之美施吳鄴下後生同年拔萃此十

五人允為中之中

書品論六

中之下

羅暉叔景

趙襲元嗣

劉興

張昭

陸機士衡

朱誕

王導茂弘

庾亮元規

王洽

郝超

吳興

張翼

宋文帝劉義隆

康昕

徐都秀

謝眺玄暉

劉繪

陶隱居

弘景

王崇素

叔景元嗣並稱西州劉興之筆札張昭之無懈陸機以
弘才掩迹朱誕以偏藝流聲王導則列聖推能庾亮則
羣公挹巧王洽以並通諸法郝超以晚年取譽張翼善

効宋帝康昕郗秀孤生謝朓劉繪文宗書範近來少前
陶隱居仙才翰采拔于山谷王崇素繪闕靡倫篇筆傳
于里閭此十八人允為中之下

書品論七

上 下之

姜翊

梁宣

韋秀

鍾興

向泰

羊忱

晉元帝景文

識道人

范曄蔚宗

宋炳

王會

謝靈運

蕭思話

薄紹之敬叔

齊高帝紹伯

庾黔婁

費元琰

孫奉伯

羊祜叔子

此十九人並擅毫翰動成楷則殆逼前良見希後彥允

為下之上

書品論八

下之中

陽經

諸葛融

楊潭

張炳

岑潤

張興

王濟

李夫人

劉穆之道和

朱齡石

庾景休

張融思光

褚元明

孔敬通

王籍文海

此十五人雖未窮字與書尚文情披其叢薄非無香草
視其涯岸皆有潤珠故遺斯紙以為世玩允為下之中

書品論九

下之下

衛宣

李韞

陳基

傅庭堅

張紹

陰光

韋熊少季

張暢

曹任

宋嘉

裴邈

羊固

謝晦

傅夫人

辟間訓

徐羨之

孔閭

顏寶光

周仁皓

張欣泰

張熾

僧岳道人

此二十二人皆五味一和五色一彩視其雕文非特刻
鵠人人下筆寧止追嚮遺迹見珍餘芳可折誠以駟馳
並駕不逮前鋒而中權後殿各盡其美允為下之下

銘

團扇銘

武王玄覽造扇子前班生瞻博白綺仍傳裁雲比霧裂
素輕蟬片月內掩重規外圓炎隆火正石鑠沙煎清逾
蘋末瑩等寒泉恩深難恃愛極則遷秋風颯至篋筥長
捐勒銘華扇敢薦夏筵

玉帳山銘

玉帳寥廓崑山抵鵲總葉成帳連枝起幕玉藥難徙金
花不落隱士彈琴仙人看博巖留故鼎竈聚新荆煮石
初爛燒丹欲成桑田屢盡海水頻傾長聞鳳笛永聽簫

聲

樂府

長安有狹斜行

長安有曲陌曲陌不容憶
路逢雙綺襦問君居近遠
我居臨御溝可識不可求
長子登麟閣次子侍龍樓
少子無高位聊從金馬遊
三子俱來下左右若川流
三子俱來入高軒映彩旒
三子俱來晏玉柱擊清甌
大婦褰雲裘中婦卷羅幃
少婦多豔冶花鈿繫石榴
夫君且安坐

歡娛方未周

賦得有所思

佳期竟不歸春日坐芳菲拂匣看離鏡

一作扇

開箱見別

衣井梧生未合宮槐卷復稀不及銜泥燕從來相逐飛

有所思

佳人遠于隔乃在天一方望望江山阻悠悠道路長別
前秋葉落別後春花芳雷歎一聲響雨淚忽成行悵望
情無極傾心還自傷

洛陽道

微道臨河曲層城傍洛川金門繞出柳桐井半含泉日
起采愚外車迴雙闕前潘生時未返遙心徒眷然

賦得橫吹曲長安道

桂宮連複道黃山開廣路遠聽平陵鐘遙識新豐樹合
殿生光彩離宮起烟霧日落歌吹還一作塵飛車馬度

愛妾換馬

渥水出騰駒湘川實應圖來從西北道去逐東南隅琴

聲悲玉匣山路泣薜蘿似鹿將含笑千金會不俱

隴西行

借問隴西行何當驅馬征
草合前迷路雲濃後暗城
寄語幽閨妾羅袖勿空縈

未央才人歌

從來守未央轉欲訝春芳
朝風凌日色夜月奪燈光
相逢倘游豫暫為卷衣裳

詩

侍宴應令

副君時暇豫曾城聊近遊清池寫飛閣疎樹出龍樓北
陸冰方壯西園春欲周梅心芳屢動蒲節促難抽徒然
欣並命無以廁應劉

侍宴宣猷堂應令

副君德將聖陳王才挾天歸來宴平樂置酒對林泉鑪
香雜山氣殿影入池漣豔舞時移節新歌屢上絃聽曲
慙迴顧思經徒欲眠

侍宣猷堂宴湘東王應令

陳王驂駕反副后西園遊並命登飛閣列坐對芳洲桂
巖逢暮序菊水值窮秋竹遝簫聲發桐門琴曲愁
一作幽
徒奉文成誦空知思若抽

侍宴餞湘州刺史張纘

洞庭資善政層城送遠離九歌揚妙曲八桂動芳枝雨
足飛春殿雲峯入夏池郢路方遼遠湘山轉蔽虧何當
好風日極望長沙垂

侍宴餞張孝總應令

層臺臨迴漲耿耿晴烟上欲送分符人翻似河隄望寒
雲暗積水秋雨蒙重嶂別念動神襟華文切離貺慙無
寡和曲空陪郢中唱

三日侍蘭亭曲水宴

策星依夜動鑾駕總朝遊旌門臨苑樹相風出鳳樓春
生露泥泥天覆雲油油桃花舒玉澗柳葉暗金溝裨川
分曲洛帳殿掩芳洲踊躍鱗魚出參差絳棗浮百戲俱

臨水千鍾共逐流

九日侍宴樂游苑應令

轍跡光周頌巡遊盛夏功鉤陳萬騎轉閭闔九關通秋
暉逐行漏朔氣繞相風獻壽重陽節迴鑾上苑中疏山
開輦道間樹出離宮玉醴吹巖

一作承苑

菊銀牀落井桐御

梨寒更紫仙桃秋轉紅飲羽山西射浮雲冀北驄塵飛
金埒滿葉破柳條空騰猿疑矯箭驚鴈避虛弓彫材溫
杞梓花綬接鷄鴻愧乏天庭藻徒參文雅雄

從皇太子出玄圃應令

春光起麗譙屣步陟山椒閣影臨飛蓋鶯鳴入洞簫水
還登故渚樹長蔭前橋綠荷生綺葉丹藤上細苗顧循
慙振藻何用擬瓊瑤

奉和泛舟漢水往萬山應教

桂棹采棠船飄揚橫大川映巖沈水底激浪起雲邊迥
岸高花發春塘細柳懸陪歌承睿賞接醴侍恩筵誰云
李與郭獨得似神仙

山池應令

閨苑秋光暮金塘收潦清荷低芝蓋出浪涌燕舟輕逆
湍流棹唱帶谷聚茄聲野竹交臨浦山桐迥出城水逐
雲峯閣寒隨殿影生

奉使北徐州參丞御

炎農稱卷領唐勛載允恭猶將表世盛尚且號民從未
如今聖主比德邁前蹤格天垂禮樂寰海置提封粉榆
諒昔社方門有舊墉故鄉深帝念巡狩及時雍禁園周

百里離宮即九重浮橋還瀉渭抗殿本疏龍過沛追鄉
飲歸宛盛禮容千金登禹膳萬壽獻堯鐘依然對白水
眷言懷赤松迴天隨輦道駐日遂戈鋒路遠大風積山
長佳氣濃年光正婉婉春樹轉丰茸竹葉含初籜
發早蒙瑞木翻無鳥祥花更少蜂咸英起雲鳳率舞間
笙鏞海鷗時出沒江鱣乍噏喁雲邊開輦樹霧裏識堯
峯小人濫趨走虛薄愧無庸皇恩不可報河清徒易逢

和衛尉新渝侯巡城口號

維城寄右戚巡警屬勤王南瞻通灞岸北眺指橫茫入
漢飛延閣臨雲出建章步逐天津遠城隨秋夜長露槐
落金氣風寮上新涼

闕

遊甌山

平子去已久餘風今復追未必遊春草王孫自不歸路
高村反出林長鳥更稀寒雲間石起秋葉下山飛西河
方閱訓詁得解朝衣

疏圃堂應詔

北宮

一作堂

多暇豫時駕總鑾鑣路靜繁葭撤輪移羽蓋

飄臨室坐飛觀回首望浮橋風長曙鐘近地迥洛城遙
疎林不礙日涸浦暫通潮徒然等賓從並作愧羣僚

尋周處士弘讓

試逐赤松遊披林對一丘
梨紅大谷晚桂白小山秋
石鏡菱花發桐門琴曲愁

一作道

泉飛疑度雨雲積似重樓

王孫若不去山中定可留

賦得嵇叔夜

山林重明滅風月臨囂塵著書惟隱士談玄止谷神鴈
重翻傷性蠶寒更養身廣陵餘故曲山陽有舊隣俗儉
寧妨患才多反累身寄言山吏部無以助庖人

和太子重雲殿受戒

皇明執東曜帝宸居北辰小乘開治道大覺拯蒼民殊
塗同義路分流合智津傳香引上德列伎進名臣連閣
翻如畫圖雲更似真鏡山銜殿影梅梁落梵塵苑桂恒
留雪天花不待春萬年逢瑞應千生值法身天衣初拂

石豆火欲燃薪重善無論報輕毛庶有因

詠同泰寺浮圖和簡文帝

望園臨奈苑王城對鄴宮還從飛閣內遙見岨山中天
衣疑拂石鳳翅欲凌空雲霓猶帶雨蓮井不生桐盤承
雲表露鈴搖天上風日出瑗含采天晴幡帶虹周星疑
更落漢夢似今通我后情

藝文
作懷

初照不與伊川同方應

捧馬出永得離塵蒙

奉和賽漢高廟

昔在唐山曲今承紫貝壇寧知臨楚岸非復望長安野
曠秋先動林高葉早殘塵飛遠騎沒日徒一作過半峯寒
徒然仰成誦終用試才難

亂後經夏禹廟

金簡泥初發龍門鑿始通配天不失舊為魚微此功林
堂上偃蹇山殿下穹隆侵雲似天闕照水類河宮神來
導赤豹仙女擁飛鴻松龕撒暮俎棗逕落寒叢仙舟還
入鏡玉軸更乘空去國嗟行邁離居泣轉蓬月起吳山

北星臨天漢中
申胥猶有志
荀息本懷忠
待見撓搶滅
歸來松柏桐

亂後行經吳郵亭

郵亭一回望
風塵千里昏
青袍異春草
白馬即吳門
獠戎鯁伊洛
謀種亂輾輾
輦道同關塞
王城似太原
休明鼎尚重
秉禮國猶存
殷牖文雖蹟
堯城吏轉尊
泣血悲東走
橫戈念北奔
方憑七廟略
誓雪五陵冤
人事今如

此天道共誰論

御亭吳大帝所建在
晉陵今作郵誤也

經陳思王墓

公子獨憂生丘壠擅餘名採樵枯樹盡犂田荒隧平寧
追宴平樂詎想謁承明旦余來錫命兼言事結成飄飄
河朔遠颭颭颭風鳴鴈與雲俱陣沙將蓬共驚枯桑落
古社寒鳥歸孤城隴水哀葭曲漁陽摻鼓聲離家來遠
客安得不傷情

過建章故臺

魯國觀遺殿韓城想舊臺仲宣原隰滿子建悲風來夏

蓮猶反植秋牕尚左開
圖雲仍溜雨畫水即生苔
及君歡四望知余念七哀

和劉明府觀湘東王書

陳王擅書府河間富典墳
五車方累篋七閣自連雲
松槩芳帙氣柏燠起厨文
羽陵青簡出媯泉綠字分
方因接遊聖暫得奉朝聞
峰樓霞早發林殿日先曛
洛城復接限歸軒畏後羣

和竹齋

百拱橫筇節千樞跨簑竿迴龍仍作柱置笛且成樂向
嶺分花徑隨階轉藥欄蜂歸憐蜜熟燕入重巢乾欲仰
天庭揆終知學步艱

從駕喜雨

西嶽浮樽桂東皇事浴蘭赦詔還京兆歸神出灌壇濕
風含酒氣陰雲助麥寒典農欣受職治粟喜當官復此
隨車雨民天知可安

奉和春夜應令

春牖對芳洲珠簾新上鉤燒香知夜漏刻燭驗更籌

天禽

一作雞

下北閣

一作闕

織女入西樓月皎疑非夜林疎

似更秋水光懸蕩壁山翠下添流詎假西園讌無勞飛
蓋遊

奉和武帝苦旱

陽山蛇不蟄泓澤鳥猶攢蹙息流膏雨將似怨祁寒文
衣夜不卧蔬食晝忘餐潔誠同望祀惟馨等浴蘭江蘋
享上帝荆壁奠高巖繁雲興岳立蒸穴動龍蟠渭渠還

積水泥池更起瀾

奉和太子納涼梧下應令

北園涼氣早步輦暫逍遙避日交長扇迎風列短簫山
帶彈琴曲桐橫棲鳳條懸門開溜水錦石鎮浮橋黑米
生菰葉青花出稻苗無因學仙藻雲氣徒飄飄

芝草

跼蹐玩芝草淹留攀桂叢桂叢方便蹇芝葉正玲瓏如
龍復如馬成闕復成宮黃金九華發紫蓋六英通隱士

蒼山北仙神海穴東隨丹聊變水獨搖不須風

詠美人

絳樹及西施俱是好客儀非關能結束本自細腰肢
鏡前難並照相將映渌池看粧畏水動斂袖避風吹
轉手齊裾亂橫簪歷鬢垂曲中人未取誰堪白日移
不分他相識唯聽使君知

送別於建興苑相逢

相逢小苑北停車問苑中梅新雜柳故粉白映綸紅去

影背斜日香衣臨上風雲流階漸黑冰開池半通去馬
船難駐啼鳥曲未終眷然從此別車西馬復東

侍宴

沐道逢將聖飛觴屬上賢仁風開美景瑞氣動非烟秋
樹翻黃葉寒池墮黑蓮承恩謝命淺念報在身前

侍宴餞湘東王應令

陳王從遊士高宴入承華並載同連璧雕文類簡沙落
猿時動樹墜雪暫搖花念此離筵促方愁別路賒

餞張孝總應令

江上早寒生蕭條
饒管清別筵開帳
殿離舟卷幔城前
山黃葉起對岸白
沙驚臨渦同極望
竊吹愧才輕

侍宴餞東陽太守蕭子雲

東部資良守北宮
敦獻酬新枝漸接
樹故凍含流早
花少餘雪春寒極
晚秋徒嗟白岸遠
空想赤松遊

和晉安王薄晚逐涼北樓回望應教

向夕紛諠屏追涼
飛觀中樹影臨城
日牕含度水風遙

天如接岸遠帆似凌空陪文慙宋玉徒等待蘭宮

贈周處士

九丹開石室三徑沒荒林仙人翻可見隱士更難尋
下黃花菊丘中白雪琴方欣松葉酒自和遊山吟

新林送劉之遴

旆轉黃山路舟纜白馬津送輪時合憶分驂各背塵
常山喜臨空隴頭悲望秦欲持漢中策還以贈征人

奉使江州舟中七夕

九江逢七夕初弦值早秋天河來映水織女欲攀舟漢
使俱為客星槎共逐流莫言相送浦不及穿針樓

南苑看人還

春花競玉顏俱折復俱攀細腰宜窄衣長釵巧挾鬟洛
橋初度燭青門欲上關中人應有望上客莫前還

詠美人看畫應令

欲知畫能巧喚取真來映並出似分身相看如照鏡安
釵等疎密著領俱周正不解平城圍誰與丹青競

奉和藥名詩

英玉收荆楚聽訟出池臺督郵稱蝗去亭長說烏來行
塘朱鷺響當道赤帷開馬鞭聊寫賦竹葉暫傾杯

看放市

旗亭出御道遊目暫迴車既非隨舞鶴聊思索枯魚懸
龜識季主膀酒見相如日中人已合黃昏故未疎

和望月

桂殿月徧來留光引上才圓隨漢東蚌暈逐淮南灰渡

河光不濕移輪轍詎開此夜臨清景還承終晏杯

和徐主簿望月

樓上徘徊月牕中愁思人照雪光徧冷臨花色轉春星
流時入暈桂長欲侵輪願以重光曲承君歌扇塵

詠風

宋地鷗飛初湘川燕起餘掃

一作拂

壇聊動竹吹薤欲成

書蒼梧洞猶在

一作蒼崦
桐猶在

合浦樹應疎陽鳥一轉翅十

里定非虛

詠花雪

瑞雪墜堯年因風入綺錢
飛花灑庭樹凝瑛結井泉
寒光晦八極同雲暗九天
已飄黃竹路共慶白渠田

春日

桃紅柳絮白照日復隨風
影出朱城外香歸青殿中
水映寄生竹山橫半死桐
頌文知渥重搦札愧才空

七夕

玉匣卷懸衣針樓開夜扉
姮娥隨月落織女逐星移
離

前忿促夜別後對空機倩語雕陵鵲填河未可飛

歲盡應令

歲序已云殫春心不自安聊開柏葉酒試奠五辛盤金
薄圖神燕朱泥却一作印鬼丸梅花應可折倩為雪中看

賦得山

層雲霾峻嶺絕澗倒危峰刻削臨千仞嵯峨起百重行
曦上杳杳結霧下溶溶仁心留此屬休奉愧羣龍

同蕭左丞詠摘梅花

牕梅朝始發庭雪晚初消折花牽短樹攀叢入細條垂
冰溜玉手含刺眉春腰遠道終難寄馨香徒自饒

和晉安王詠燕

可憐幕上燕差池弄羽衣夜夜同巢宿朝朝相對飛銜
泥瞻樂善相賀奉英徽秋蟬行寂寞戀此未辭歸

詠胡牀應教

傳名乃外域入用信中京足欹形已正文斜體自平臨
堂對遠客命旅誓初征何如溜館下淹留奉盛明

暮遊山水應令賦得磧字

餘春屬清夜西園恣遊歷入逕轉金輿開橋通畫鷁細
藤初上援新流漸涵磧雲峯沒城柳電影開巖壁

奉和湘東王應令二首

春宵

征人別來久年芳復臨牖燭下夜縫衣春寒偏著手願
及歸飛鴈因書寄高柳

冬曉

隣雞聲已傳愁人竟不眠
月光侵曙後霜明落曉前
紫髮起照鏡誰忍插花鈿

詠簷燕

雙燕集蘭閨雙飛高復低
向戶疑新箔登巢識故泥
依欄本相賀近幕願同棲

奉賀便省餘秋

前對金精坂傍臨圓水池
照影礙浮葉看山通迥枝
鴈行連霧盡雨足帶雲移

被使從渡江

八陣引佳兵三河總艫舳
絳天揚遠旆雷野驅長轂
夜劍動星芒秋潮驚箭服

登城北望

誓師屠六郡登城望九峻
山沈黃霧裏地盡黑雲中
霜戈曜壠日哀笳斷塞風

道館

仙人白鹿上隱士潛溪邊
試取西山藥來觀東海田

賦得轉歌扇

團紗映似月蟬翼望如空迴持掩曲態轉作送聲風
詠舞

飛鳬袖始拂啼鳥曲未終聊因斷續唱記託往還風
詠舞曲應令

歌聲臨畫閣舞袖出芳林石城定若遠前谿應幾深
詠主人少姬應教

故年齊總角今春半上頭那知夫婿好能降使君留

詠長信宮中草

委翠似知節含芳如有情
全由履迹少併欲上階生
石崇金谷妓

蘭堂上客至綺席清絃撫
自作明君辭還教綠珠舞
遠看放火

風前細塵起月裏黑烟生
發燄看喬木侵光識遠城
舟中寒望

日暮敞鳬舟曾冰合駛流
雪照齊君履寒入楚王裘

石橋

秦王金作柱漢帝玉為欄仙人飛往易道士出歸難

詠桂

新叢入望苑舊幹別層城倩視今移處何如月裏生

賦得池萍

風翻乍青紫浪起時疎密本欲嘆無根還驚能有實

新苔

隨潮染岸石逐沫聚浮查從令阿谷麗停筐不汰沙

被執作詩

髮與年俱暮愁將罪共深聊持轉風燭暫映廣陵琴

三日侍宴詠曲水中燭影

七言

重燄垂花比芳樹風吹水動俱難住春枝拂岸影上來
還杯繞客光中度

聯句

曲水聯句

春色明上巳桃花落繞溝波迴卮不進綸下鈎時留

臣導

絳水時迴岸花觴轉更周陳肴渡玉俎垂餌下銀鈎

王臺

御迴川入帳殿列俎間芳洲漢艾凌波出江楓拂岸遊

庾肩吾王生迴水碓蔡姬蕩輕舟岸燭斜臨水波光上映

樓殿

八關齊夜賦四城門更作四首

殿下即簡文帝時為皇太子中庶府君謂肩吾

第一賦韻東城門病

伏枕愛危光痾纏生易折無因雪岸草慮及砭山穴

徐防

消渴腠腸腑疼蹇嬰肢節如何促齡內憂苦無暫缺

孔素

南城門老

虛蕉誠易犯危藤復將嚙一隨柯已微當年信長訣

諸葛

嶺

已同白駒去復類紅花熱妍容一旦罷孤燈行自設

君

西城門死

緩心雖殊用滅景寧優劣一隨業風盡終歸虛妄設

王臺

卿五陰誠為假六趣寧有截零落竟同歸憂思空相結

李鏡遠

北城門沙門

俗幻生影空憂繞心塵噎於茲排四纏去矣求三涅槃

殿下

下學輩留心方從窈冥別已悲境相空復作泡雲滅

中庶

府君

第二賦韻東城門病

空痾誠易愈有病故難痊徒知餌五色終當悲九泉

王臺

卿已無雲山草沈痼竟誰憐復悲淪苦海何由果淨天

諸葛
嶺

南城門老

昔類紅蓮草自玩綠池邊
今如白華樹還悲明鏡前
壯心欲何在餘日乃西遷
清樽不復樂蓬鬢豈還妍

徐防下殿

西城門死

高堂信逆旅懷業理常牽
玉匣方委襯金臺不復延
君挽聲隨逕遠蘿影帶松懸
詎能留十念唯應逐四緣

中庶

北城門沙門

經行林樹下求道志能堅既有神通力振錫遠乘烟

鏡李

速一登四弘誓至道莫能先不貪曠劫壽無論延促年

孔
熹

第三東城門病

纏痾緬百年自傷無五福長縈畫篋蛇不值仙人鹿

下殿

習染迷畫瓶卧起求棲宿羅襦豈再歡臨岐方土木

中庶

府
君

南城門老

少年愛紈綺，哀暮慙羅縠。徒傷歲冉冉，陳詩非郁郁。

王臺

卿

鶴髮辭軒冕，鮐背烹葵菽。松柏稍相依，懽愛時睦睦。

李鏡

遠

西城門死

追念平生時，遨遊上苑囿。一沒松柏下，春光徒儵昱。

孔熹

結根素因假，枝葉緣骨肉。自應螻蟻驅，值此風刀逐。

諸葛

嶢

北城門沙門

俗繭厭纏絲因田抽善穀長披忍辱鎧去此織羅服
防徐願引三塗衆俱令十使伏珠月猶沈首金鉀未挑目
君

第四東城門病

紫紉未可得漳濱徒再離一逢犬馬病責育罷驅馳
李鏡

遠已無九轉術復闕萬金奇不看授彊掌唯夢蓮花池
君

南城門老

盛年歌吹日顧步惜容儀一朝衰朽至星星白髮垂
已傷萬事盡復念九門枝垂軒意何在獨坐鏡如斯
君府
庶中

西城門死

一息於今罷平生詎可規天長曉露促千齡誰復知
華堂一相捨松帳杳難窺萬祀藏珠應千年罷玉羈
下殿
防徐

北城門沙門


深心不可染正道亦難敬方除五欲累長辭三雅卮
王臺

卿
依空慮難靜習善路猶弛沒身竟靡託單盃詎待貲

諸葛
嶢



漢魏六朝百三家集卷九十九



總校官庶吉士臣侍朝

校對官編修臣范衷

謄錄監生臣馬嗣佺

欽定四庫全書叢要

集部

漢魏六朝百三家集卷一百

詳校官候選知縣臣吳甸華



欽定四庫全書薈要卷一萬九千六百九十二

集部

漢魏六朝百三家集卷一百

明 張溥 輯

東晉
謝安
集
賦

窮鳥賦

嗟窮鳥之小鳥意局促而馴擾聲遇物而知哀翮排空而不矯望絕侶於夕霞聽翔羣於月曉既滅志於雲霄

遂甘心於園沼時復搶榆枋至觸案窮歸若中氣而自
墮似驚弦之不飛同雉時而共宿啄鴈稗以爭肥異海
鷗之去就無青鳥之是非豈能瑞周德而丹羽感燕悲
而素暉雖有知於理會終失悟於心機

牋

與建安王謝秀才牋

州民泥塗何遜死罪即日被板以民充年秀才民謝聲

關

非關右月旦

關

名誰錄覩物託興乏澹雅

之才

關

文豈飄然之作伏惟大王殿下令聞令望
邁楚逾河好德好士雲歸海赴若夫選重雄州望隆觀
國必使聲高後進德繼前修民學異扣鐘辨慚炙輶將
以允應貢選待問金門上第甲科既慚髣髴管窺雖畫
彌畏友朋恩榮忽貢固請無涯便當妄忝魯服濫同齊
吹戰荷屏營忻惶共色不任下情謹奉牋以聞

為孔導辭建安王牋

士實塗泥美非竹箭昔逢際會忝申名質悠悠漢水獨

驚輕舟雖慕義如歸而暗投多思遂禮頻上席愛比後
車感此隆遇久知輕死軒蓋出內歷念陪遊府朝升進
隨事多幸賜餘論於顏色奉德音於宴和藉此增榮遂
延繆價今便除名復闕足在寬身非木石戀同犬馬雖
朝夕曳裾無違接待而職務一離有同賓客瞻階下拜
屑涕無從永言僚故載懷罔已頡頏之禽慚悲於出幕
蒙茸之獸結志於首丘

書

為衡山侯與婦書

昔人邀遊洛汭會遇陽臺神仙髣髴有如今別雖帳前
微笑涉想猶存而幄裏餘香從風且歇掩屏為疾引領
成勞鏡想分鸞琴悲別鶴心如膏火獨夜自煎思等流
波終朝不息始知萋萋萱草忘憂之言不實團團輕扇
合歡之用為虛路邇人遐音塵寂絕一日三秋不足為
喻聊陳往翰寧寫歎懷遲枉瓊瑤慰其杼軸

七

七名

假氏先生負茲勁挺狀羣飛之喪侶似獨行之迷徑神
忽忽而若忘意衝衝而不定監丹綠其無主聞鐘鼓以
失聽至乃冬霰積庭室靡人聲春花滿野地無行者圜
堵常閉曲突無煙同生芻之有束共死灰之瞠然篤論
公子聞而崛起雖道術之可忘亦切嗟之所恥命徒御
以駱驛將有事乎巖中車煜爚而流水馬泮渙以追風
乃踰汗漫入朦朧至深潭之澳漠有洞室之穹崇居隱

磷而出沒望嶽岑而下上竹距石以袞通水韻松而含
響地不寒而蕭瑟月無雲而矐朗於是整容投刺屣履
排門揚眉就席舉袂而言曰若五秀稟其生靈六情通
其愛惡憎共集於鄙老嗜同歸於美樂今足下羣鳥獸
以為娛處貧賤而不忤欲賓實於孤介乃貽譏乎隕獲
至乃喀喀死於道邊貿貿填於溝壑削松筆以畫虎鼓
鉛刀而刻鶴身既勞而不勸事何感而莫懲欲模名於
帶索豈知命於泥繩何異走長衢而避影煎流水以求

冰今欲導足下以衛生之秘術怡神之妙道譬愈我於
沉痾若起尸於仙草寧願聞乎先生曰有為之生已逼
無益之慮常勞若見明於凝滯幸求教於盲膏

公子曰千門始構百常洞啟激渚開渠疏山抗址延袤
水陸曠望東西下臨江海上屬雲霓百丈杳冥以飛跨
九層鬱律以階梯步三休而未半塗中宿而方迷雕墻
曲屈以交牙網戶周流以重積既陰岑而影響亦叫嘯
而迴易沙板金鋪紫柱玉碣煒煌燿艷礧礧搏散圖雲

霧之蔽虧壯神仙之來往壁璫自耀珠綴嘗響蜉蝣動
而晝暄熠耀飛而夜朗既臨下以溲汰亦憑高而泱泱
聞疾雷於階榭弄奔星於帷幌亘以曲堂周以洞房北
負連閨南注長廊綺疏交映鏤檻相望燕飛蓮井日照
杏梁陽烏騫其將動雲鳳矯而欲翔若乃凌沼開源延
石崇壤疑崑閬之鬱第侔滄溟之瀟灑其中則有桂宮
栢寢吳臺栢館複道耿介而連雲阿閣穹窿而仰漢望
虬欄之映水見丹鶴之出岸豔草妖色嘉樹珍名長生

靈壽男華女貞河柳垂葉山榴發英翫奇花之春滿摘
甘實於夏成此實宮苑之壯麗豈能從我而為榮先生
曰多言反道辨口傷實懼貽弊於部家且自求乎容鄙
公子曰銅餅玉井金釜桂薪六爨九鼎百果千珍熊蹯
虎掌雞跖猩唇潛魚兩味立犀五肉拾卵鳳巢剖胎豹
腹三臠甘口七菹愜目蒸餅十字湯官五熟海椒魯豉
河鹽蜀薑劑水火而和調糅蘇葑以芬芳脯追復而不
盡犢稍割而無傷龜羹流歌蜺醬先嘗鱠溫湖之美鮒

切丙穴之嘉魴落俎霞散逐冰雪揚輕同曳蠶白似飛
霜蔗有盈丈之名桃表兼斤之實杏積魏國之貢菱為
巨野所出衡曲黃梨汶垂蒼栗隴西白柰湘南朱橘荔
枝沙棠蒲萄石蜜瓜稱素腕之美棗有細腰之質並抗
吻以除煩永咀牙而消疾於是三雅陳席百味開印王
璣星稀蘭英縹潤既東志於坎壈亦忘懷於鄙吝此蓋
滋旨之極珍豈從余而並進先生曰不貴媮食豈甘醇
酒既深悟於腐腸豈自迷於爽口

公子曰秦氏獨立燕姬絕世如短如長不穠不細信耳
目之珍冶乃古今之佳麗妍姿艷逸淑性閒華效施朱
於宋里結墮馬於梁家析纖腰以微步呈皓腕於輕紗
臨池正領拂鏡看花觀堵牆以颯杳傾城國以喧譁墨
欲歸而抽軫惠將返而迴車至乃鄭衛繁聲抑揚絕調
足使風雲變動性靈感召擊哀響則春臺之人愴焉而
雪泣起懽情則崩城之婦粲然而微笑薜谷調鳳之管
龍門獨鵠之柯綠珠絳樹宋膺韓娥青春婉婉上客經

過開洞房以命賞名才人而合宴舉輕幔以徐來隔珠
簾而可見牀披象簾戶垂羅薦聽促柱之方遒聞度聲
之始囀步想象以頓足腕踣蹠而拂面託斜視於遺簪
寄含情而舉扇俄而夕驚東返落日西懸綺霞映水蛾
月生天解鴛鴦之繡被拂蛩蛺之長氈燭中帷而動爛
香出帳而微烟願橫衾以自昵脫斜領於君前此乃聲
色之妖蕩將不從我而流連先生曰淫聲非篤論之旨
麗色乃余情所棄伐國不問仁人此言何從而至

公子曰歲晚農收時間務隙山火已燎野霜初白聊效
殺於秋冬將從禽於草澤蜀地五丁齊都二子氣動山
漂汗揮雨起渥洼流頰護蘭泄血躡飛影於未形奔流
星於欲滅革車隱隱轂騎闐闐鼓噪喧而振地烝徒駭
而聒天割玉之刀飲石之箭置羅布其一目罟網周其
三面犬號驤螭鷹名奔電暫離己合忽隱仍見赴迥趨
危衝林跋援草隨足起山從眼轉跨躡谿澗電舉陵阪
鳥不及飛獸不遑伏既前躍而後掎亦左排而右蹴蹠

實駭而自救騰靈亂而相撲視灑血之丹地見飛毛之
暗目傍窮劫勢極搜求文皮坐裂牕尾生抽手羈鐵
頂足批銅頭象折齒而陵遽豹拉幽而夷猶擒高樓之
度索走大樹之神牛鴈聞弦而站墮猿抱木而啾啁嘆
楚王之雲夢恥漢帝之中流此武材之矯猛豈能從我
而畋遊先生曰馳騁傷仁好殺非勇幸廣內之豐樂何
禽荒之足重

公子曰跋烏始照官槐遽而欲舒顧兔纔滿庭英紛而

就落譬光影於飛浮比生靈於栖託擾擾摩肩鱗鱗方
駕空怵迫於毀譽獨慙勤於用舍嗟向有而今無歎後
榮而前謝清歌雅舞暫同於夢寐廣廈高堂俄成於幻
化若夫洗精服食慕道仙遊尋玉塵於萬里守金竈於
千年三尸可度九轉難傳飛騰水陸咀嚼靈玄若乃壁
上真辭枕中秘要彈壓神鬼吐納靈妙既變醜以成妍
亦反老而為少虬駕天矯而出沒霓裳颯沓而容與接
鵠馭於後乘追鳳簫於前侶雨散漫以霑服雲霏微而

龍宇瞰芝闕以窈窕見玉臺之相拒蓋排烟而漸滅旌
拖風而未舉值解佩於江濱逢弄珠於漢渚薄遊玄圃
弭節太華列神童於羽帳侍玉女於仙車澗採兮危實
苑拔兮迴花聽弱水之晨浪望崑山之夕霞窮北辰而
比壽指中岳以為家此神仙之恍惚豈從我而蠲邪先
生曰捕影之言莫測繫風之論難盡未嘗留意於死生
豈稍論於椿菌

公子曰洙泗遺文鄒魯餘烈其道未迷其風不絕方願

圓冠金口木舌談章句之遠旨構紛綸之雅說陳五禮
明六詩貫穿微妙辨析毫釐既待問於重席亦覃思而
下幃醞藉愷悌和樂緝熙生徒肅肅賓友師師並接袵
以聞道俱援手而受辭心絕內戰事無外慾橫經者比
肩擁篲者繼足醜申韓之法令陋桓文之風俗六郡湊
其衣冠五陵窮其軌躅信斯文其若水實斯人之如玉
若夫珠璣產於蚌蛤珪璧出於山淵未有玉不瑩而為
寶人無學而稱賢蓋持身之管籥進德之舟船響如鐘

而待叩明似鏡以長懸此其重於經術寧降志於吾賢
先生曰誠此言之甚美比斯道之為曠恥見朝於腐儒
豈求珍於席上

公子曰我大梁之啟基方邃古而無匹先天定始比殷
周而餘裕揖讓受終考唐虞而不失道德有序憲章咸
秩六府孔修百司盡畢搜求儒雅招拾遺逸旰食思治
雖聞之於昔談昧旦臨朝乃見之乎茲日蕩蕩薰風泱
泱大典道含弘而廣被澤汪濊而傍闡採輿人之片言

納匹夫之小善事在微而畢照物無幽而不顯若夫下車布德伐罪弔民風無偃稼雨不破塵覩勝殘於朞月見成俗於浹辰含羣生兮如海養萬類其猶春鄉無豕食之隸野靡狼顧之民樵者目金而知恥耕夫讓畔以成仁何大庭之足競豈栗陸之能隣壁水道庠序之風石渠啟珪璋之盛奇士輻湊而騁足異人間出而効命小大之獄無冤民翺飛之物無天性故能睦之以九世齊之以七政坦坦恢恢巍巍赫赫政德洽於霜風教義

窮於足迹望雲氣而歎闕候海水而重譯所謂府不輟
貢史無虛帛天端磊砢而相尋地符氤氲而不少收六
穗於征賦翫九莖於池沼三足應感而來儀一角知時
而自擾映景星於初月聆鳳音於將曉若乃亭毒不疵
合天地而並施陶鈞日月與造化而齊功故非言辭之
可具盡筆札之所能窮懷真獨往之夫奔走而從事滅
迹藏名之士顛倒而向風二漢有同於兒戲魏晉無礙
於胸中言未畢先生攝衣而起曰子前所說似玉卮之

無當徒費辭而難領譬由背日而視秋毫却行而求郢
郢一聞皇王之盛則豁然神悟而理據志無時而可卷
邦有道而宜舒敢以殘智請從後車

樂府

銅雀妓

秋風木葉落蕭瑟管絃清望陵歌對酒向帳舞空城寂
寂簷一作簾宇曠飄飄帷幔輕曲終相顧起日暮松栢聲

擬輕薄篇

城東美少年重身輕萬億
拓彈隨珠九白馬黃金飾

一作

勒長安九達上青槐
蔭道植穀擊晨已喧肩
排暝不息

走狗通西望牽牛亘南直
相期百戲傍去來三市側
象牀沓繡被玉盤傳綺食
倡女掩歌扇小婦開簾織
相看獨隱笑見人還歛色
黃鵠悲故羣山枝詠新識
鳥飛過客盡雀聚行龍匿
酌羽方厭厭此時懽未極

門有車馬客

樂府作何安非

門有車馬客言是故鄉來
故鄉有書信縱橫印檢開

書看未極行客屢相識借問故鄉來潺湲淚不息上言
離別久下言望應歸寸心將夜鵲相逐向南飛

昭君怨

樂府作
何晏非

昔聞白鶴弄已自軫離情今來昭君曲還悲秋草生

詩

九日侍宴樂游苑

為西封
庾作

皇德無餘讓重規襲帝勛垂衣化比屋瞻顧慎為君
飛悅有道卉木荷平分宸襟動時豫歲序屬涼氛城霞

旦晃朗槐霧曉氤氲鸞輿和八襲鳳駕啟千羣羽觴懽
湛露侑舞奏承雲禁林終宴晚華池物色曛疏樹翻高
葉寒流聚細紋晴軒連瑞氣同一作飛惹御香芬日斜迢
遞宇風起嵯峨雲運偶參戾服恩洽厠朝聞於焉藉多
幸歲暮仰遊汾

登石頭城

關城乃形勢地險差非一馬嶺逐紆回大牙傍隆宰百
雉極襟帶億庾兼量出至理歸無為善守竟何恤眺聽

窮耳目遠近備幽悉擾擾見行人暉暉視落日連檣入
迴浦飛蓋交長術天暮遠山青潮去遙沙出薄宦恧師
表屬辭慙愈疾願乘轂轅牛還隱蒙籠室

望解前水竹答崔錄事

拾遺作顧則心詩非

蕭蕭聚竹映澹澹平湖淨葉倒連漪文水漾檀欒影相
思不會面相望空延頸遠天去浮雲長墟斜落景幽疴
與歲積賞心隨事屏鄉念一遭迴白髮生俄頃

暮秋答朱記室

游揚日色淺騷屑風音勁寒潭見底清風色極天淨寸
陰坐銷鑠千里長遼迥桃李爾繁華松柏余本性故心
不存此高文徒可詠

酬范記室雲

林密戶稍陰草滋堦欲暗風光蕊上輕日色花中亂相
思不獨懽佇立空為歎清談莫共理繁文徒可玩高唱
子自輕繼音子可憚

落日前墟望贈范廣州雲

緣溝綠草蔓扶援雜華舒輕烟澹柳色重霞映日餘遙

遙長路遠

一作晚

寂寂行人疎我心懷碩德思欲命輕車

高門盛遊侶誰肯進畋漁

日夕望江山贈魚司馬

湓城帶湓水湓水縈如帶日夕望高城耿耿青雲外城
中多宴賞絲竹常繁會管聲已流悅弦聲復淒切歌黛
慘如愁舞腰凝欲絕仲秋黃葉下長風正騷屑早鴈出
雲歸故燕辭辭檐別畫悲在異縣夜夢還洛汭洛汭何悠

悠起望西南樓

一作登西樓

的的帆向浦團團月映

一作洲隱

誰能一羽化輕舉逐飛浮

答丘長史

宿昔敷遠遊名分乃異路千里泝波潮一朝披雲霧從
容捨密勿繾綣論襟趣披文極詆訶析理窮章句明鐘
信有待巨海誰能喻奔景驟西傾還途忽東驚黃花發
岸草亦葉翻高樹漁舟乍回歸沙禽時獨赴晏年時未
幾離歌倏成賦伊我念幽關夫君思贊務短翮方息飛

長轡日先驅曝鰓關

走逸翮康時務握手異沉浮佳

期安可屢

道中贈桓司馬季珪

晨纜雖同解晚洲阻共入猶如征鳥飛差池不可及本
願申羈旅何言異翔集君渡北江時詎今南浦泣

夕望江橋示蕭諮議楊建康江主簿

夕鳥已西度殘霞亦半消風聲動密竹水影漾長橋旅
人多憂思寒江復寂寥爾情深羣洛予念返漁樵何因

適歸願分路一揚鑣

寄江州褚諮議

自與君別離四序紛迴薄分手清江上念別猶如昨追
憶邊城遊奚尋平生樂俱登巖窅巖共坐逶迤閣清吹
或忘歸繁文時間作連鑣戲淺草遊憶遵長薄五載同
衣裘一朝異睽索夫君頗留滯驂駟未沃若伊家從入
關終是填溝壑早秋正悽愴餘暉晚銷鑠林葉下仍飛
水花披未落如何隔千里無由舉三爵因君奏采蓮為

余吟別鶴

入西塞示南府同僚

露清曉風冷天曙江晃

一作光

爽薄雲巖際出初月波中

上黯黯連嶂陰騷騷急沫響迴棹急礙浪羣飛爭戲廣
伊余本羈客重睽復心賞望鄉雖一路懷歸成二想在
昔愛名山自知懽獨往情游乃落魄得性隨怡養年事
以蹉跎生平任浩蕩方還讓夷路誰知羨魚網

下直出谿邊望答虞丹徒教

夫君美章句席丈珍梁楚伊余忝攝官含毫亦禁阻直
廬去咫尺心期得宴語休沐乃幽棲別離未幾許佇立
日將暮相思忽無緒谿北映初星橋南望行炬九重不
可越三爵何由舉

贈諸遊舊

弱操不能植薄伎竟無依淺智終已矣令名安可希擾
擾從役倦屑屑身事微少壯輕年月遲暮惜光輝一塗
今未是萬緒昨如非新知雖已樂舊愛盡睽違望鄉空

引領極目淚沾衣旅客長憔悴春物自芳菲岸花臨水
發江燕遶檣飛無由下征帆獨與暮潮歸

贈族人秣陵兄弟

何思澄為
秣陵令

吾宗昔多士文雅高縉紳小子無學術丁寧困負薪傍
枝實紛亂領袖寄親姻名價齊兩許閨門比三陳風力
咸通邁藝業並紛綸元方振高羽洛令初解巾自爾典
名郡所在號清淳齊兒敢為俗蜀物豈隨身祿俸不妻
子謳吟乃吏民孰云穢明德惟在中聖人若能遺酌我

稱首當屬仁仲將本特達坎壈猶賤貧方成天下士豈
伊席上珍外情或簡易內鑒甚人倫時然臨下邑摘伏
信如神顧余晚脫畧懷抱日湮淪游宦疲年事來往厭
江濱十載猶先職一官乃任真土牛竟不進芻狗空重
陳羈旅無儔匹形影自相親蕭索高秋暮砧杵鳴四隣
霏霏入窻雨漠漠暗牀塵所思不可見邈若胡與秦願
子加餐飯良會在何辰

秋夕仰贈從兄寘南

堦蕙漸翻葉池蓮稍罷花高樹北風響空庭秋月華寸
心懷是夜寂寂漏方賒撫弦乏歡娛臨觴獨歎嗟悽愴
戶涼入徘徊攔影斜無為淹戚里見就還田家

仰贈從兄興寧南

家世傳儒雅貞白仰餘徽宗派已孤狹財產又貧微棲
息同蝸舍出入共荆扉松筆時臨沼蒲簡得垂帷幸逢
四海泰日月耀增輝相顧無羽翮何由總奮飛一朝異
言宴萬里就睽違遠江飄素沫高山鬱翠微相思對秋

綠相望隔巍巍死灰終不然長岑且未歸當憐此分袂
脈脈淚沾衣

贈江長史別

二紀歷茲辰投分敦遊處況事兼年德晏交無爾汝中
歲多乖違由來難具叙及君相藩牧伊予客梁楚出國
乃參差會歸同處所以茲篤惠好何用忘羈旅重得申
平生何年更睽阻籠禽恨跼促逸翮超容與餞道出郊
垌把袂臨洲渚長飈落江樹秋月照沙溆遠送子應歸

棹開帆欲舉，離舟懽未極。別至悲無語，安得生羽毛。從君入宛許。

送韋司馬別

送別臨曲渚，征人暮前侶。離言雖欲繁，離思終無緒。憫憫分手畢，蕭蕭行帆舉。舉帆越中流，望別上高樓。予起南枝怨，子結北風愁。邈邈山蔽日，洶洶浪隱舟。隱舟邈已遠，徘徊落日晚。歸衢並駕奔，別館空筵卷。想子斂眉去，知予銜淚返。銜淚心依依，薄暮行人稀。曖曖入塘港。

蓬門已掩扉簾中看月影竹裏見螢飛螢飛不息獨
愁空轉側北窗倒長簾南鄰夜聞織棄置勿復陳重陳
長歎息

南還道中送贈劉諮議別

一官從府役五稔去京華
遽逐春流返歸帆得望家
天末靜波浪日際斂烟霞
岸蘚生寒葉村梅落早花
遊魚上急水獨鳥赴行楂
目想平陵柏心憶青門瓜
曲陌背通垣長墟抵狹斜
善鄰談穀稼故老述桑麻
寢興從間

逸視聽絕諠譁夫君日高興為樂坐驕奢室墮傾城佩
門交接憶車入塞長雲雨出國暫泥沙握手分歧路臨
川何怨嗟

與崔錄事別兼叙攜手

去夏予回首言乃重行行今春遊派瀝訪子猶武城暫
別年逾半同歸月未盈復道中寒食彌留曠不平道術
既為務懽悰苦未并及爾沈痾愈值茲秋序明石磧泐
江靜沙流繞岸清川平看鳥遠水淺見魚驚逝將窮履

歷方欲恣逢迎何言聚易散鄉棹爾孤征我本倦遊客
心念似懸旌聞離常屑涕是別盡淒清一作情况此忘懷
地相愛猶弟兄脈脈留南浦悠悠返上京欲鑷星星鬢
因君示友生

別沈助教

可憐玉匣劍復此飛鳬舄未覺愛生憎忽見雙成隻一
朝別笑語萬事成疇昔道邁若波瀾人生異金石願君
深自愛共念悲無益

與沈助教同宿湓口夜別

我為尋陽客，戒旦乃西游。君隨春水駛，鷄鳴亦動舟。共
泛湓之浦，旅泊次城樓。華燭已消半，更人數唱籌。行人
從此別，去去不淹留。

與蘇九德別

宿昔夢顏色，咫尺思言偃。

疑作宴

何況杳來期，各在天一

面。踟躕暫舉酒，倏忽不相見。春草似青袍，秋月如團扇。
三五出重雲，當知我憶君。萋萋若被逗，懷抱不相聞。

贈韋記室黯別

故人儻送別停車一水東去帆若不見試望白雲中促
膝今何在銜杯誰復同水夜看初月江晚听歸風無因
生羽翰千里暫排空

初發新林

伊昔負薪暇慕義遊梁楚短翮忘連翮追飛散容與優
游沐道教漸清淹寒暑大德本無酬輕生竊自許舟歸
屬海運風積如鵬舉浮水暗舟艫合岸喧徒侶漂漂窮

秋暮初寒入洲渚
鏡吹響清江懸旗出
長嶼危檣迥不進
沓浪高難拒回首泣親賓
中天望宛許帝城猶隱約
家園無處所去矣方悠悠
含意將誰語

渡連圻二首

此山多靈異峻岵實非恒
湑流自洄糾激瀨視奔騰
懸崖抱奇崛絕壁駕峻嶒
礐礐上爭險岵嶇下相崩
百年積死樹千尺掛寒藤
詭怪終不測迴沈意難登
願欲書聞見聊以寄親朋

連圻連不極極望在雲霞絕壁無走獸窮岸有盤楂糾
紛上巖窺穿豁下巖穿魚遊若擁劍猿掛似懸瓜陰岸
生駸蘚伏水拂澄沙客子行行倦年光處處華石蒲生
促節巖樹落高花暮潮還入浦夕鳥飛向家寓目皆鄉
思何時見狹斜

下方山

寒鳥樹間響落星川際浮繁霜白曉岸苦霧黑晨流鱗
鱗逆去水瀾瀾急還舟望鄉行復立瞻途近更修誰能

百里地縈繞千端愁

入東經諸暨縣下浙江作

疲身不自量溫腹無恒擬未能守封植何能固廉恥一
經可人言三冬徒戲爾虛信蒼蒼色未究冥冥理得彼
既宜然失之良有以常言厭四壁自覺輕千里日夕聊
望遠山川空信美歸飛天際沒雲霧江邊一作起安邑
乏主人臨邛多客子鄉鄉自風俗處處皆城市所見無
故人舍意終何已

還渡五洲

我行朔已晦，沂水復沿流。
戎傷初不辨，動默自相求。
暝言還九派，迴艫出五洲。
蕭散烟霧晚，淒清江漢秋。
沙汀暮寂寂，蘆岸晚脩脩。
以此南浦夜，重此北門愁。
方圓既齟齬，貧賤豈怨尤。

春夕早泊和劉諮議落日望水

旅人嗟倦遊，結纜坐春洲。
日暮江風靜，中川聞棹謳。
草光天際合，霞影水中浮。
單艫時向浦，獨櫂乍乘流。
嬾童

泣垂釣妖姬哭盪舟客心自有緒對此空復愁

和劉諮議守風

彌旬苦凌亂揆景候阡陌晝想汝陽津夜夢邯鄲驛憤
風急驚岸屯雲仍觸石蕭條疾帆流礪衝波白息榜
已云久維梢晨已積蒼蒼極浦潮杳杳長洲夕本慙依
飛劍寧慕澹臺壁纖羅若不闕跂予中上澤

宿南洲浦

幽棲多暇豫從役知辛苦解纜及朝風落帆依暝浦違

鄉已信次江月初三五沈沈夜看流淵淵朝聽鼓霜洲
渡旅鴈朔颺吹宿莽夜淚坐淫淫是夕偏懷土

學古贈丘永嘉征還

龍馬魚腸劍躩蹠起風塵結客蔥河返喧喧動四鄰入
墟猶憶舊覓巷復疑新窺見應門出遙識下機人相悲
淚欲下離別方自陳

和蕭諮議岑離閨怨

曉河沒高棟斜月半空庭窻中度落葉簾外隔飛螢含

悲

玉臺作情

下翠帳掩泣

玉臺作涕

閉金屏昔期今未返春草寒

復青思君無轉易何異北辰星

朝劉諮議

房櫳滅夜火窻戶映朝光妖女褰帷去躑躅初下牀
雀釵橫曉鬢蛾眉艷宿粧稍聞玉釧遠猶憐翠被香
寧知早朝客差池已鴈行

詠照鏡

朱簾旦初捲綺機晨未織玉匣開鑑影寶臺靜臨飾

對影獨含笑看花時轉側聊為出顰眉試染天桃色寶釵若可間金鈿畏相逼蕩子行未歸啼粧坐沾臆

擬青青河畔草轉韻體為人作其人識節工歌

春蘭

一作園

日應好折花望遠道秋夜苦復長抱枕向空

牀吹臺

一作樓

下促節不言於此別歌筵掩團扇何時一

相見絃絕猶依軫葉落纔下枝即此雖云別方我未成離

學古三首

長安美少年羽騎暮連翩
玉羈瑪瑙勒金絡珊瑚鞭
陣雲橫塞起赤日下城圓
追兵待都護烽火望祁連
虎落夜方寢魚麗曉復前
平生不可定空信蒼浪天

鞏洛上東門薄暮川流側
渾渾車馬道行人不相識
日夕棲鳥遠浮雲起新色
寸心空延佇對面何由即
飛輪倘易去易去因風力

昔隨張博望辭帝長楊宮
獨好西山勇思為北地雄
十年事河外雪一作雲
鬢別關中季月邊秋重
巖野散寒蓬日

隱龍城霧塵起玉關風全孤君已復半菽我猶空欲因
上林鴈一見平陵桐

聊作百一體

靈輒困桑下於陵拾李螬歷齒方嗟賤炙背豈知豪傭
畊乏旅力倚市憚劬勞曠日無豆飡方冬缺緼袍清旦
開蓬革舉目想煎熬樞機慎僕隸媒孽畏朋曹萬途皆
自僻一事豈他裒匆匆昨不定負杖出蓬蒿逢施同溝
壑值設乃糠糟生途稍冉冉逝水日滔滔咸言等木石

誰當出羽毛

早朝車中聽望

詰旦鐘聲罷隱隱禁門通遽車響北闕鄭履入南宮宿
霧開馳道初日照相風胥徒紛絡驛騶御或西東暫喧
耳目外還保性靈中方驗遊朝市此說不為空

臨行公車

擾擾排曙扉鱗鱗驅早駕禁門儼猶閉嚴城方警夜道
勝多增榮拙薄終難化以茲畎澮質重與滄漠舍纚舟

去濁河揆景辭清灞平生多意緒懷抱皆祖謝念此將
如何撫心獨悲咤

秋夕歎白髮

絲白不難染蓬生直易扶惟見

一作此

星星鬢獨與衆中

殊昔年十四五率性頗廉隅直是安被褐非敢慕懷珠
何言志事晚疲拙嬰殊軀逢時乃倏忽失路亦斯須郊
郭勤二頃形體憩一廡涸蚌困魚目籠禽觸四隅宵長
壁立靜廓處謝懽愉月色臨窻樹蟲聲當戶樞飛蛾拂

夜火墜葉舞秋株逐物均乘鶴違俗等雙鳬故人倘未
棄求我谷之隅

夜夢故人

客心驚夜魂言與故人同開簾覺水動映竹見牀空浦
口望斜月洲外聞長風九秋時未晚千里路難窮已如
臃腫木復似飄飄蓬相思不可寄直在寸心中

從主移西州寓直齋內霖雨不晴懷郡中遊聚
寓直慚虎賁沈迷豈職事祈祈寒枝動濛濛秋雨駛不

見眼中人空想山南寺雙桐傍欄上長楊夾門植夙昔
構良遊接膝同懽志東西忽為阻向隅懷獨思颯颯履
聲喧擾擾羣分異卧聞復雷響坐視重局秘欲寄一行
書何解三秋意

劉博士江丞朱從事同顧不值作詩云爾

故人篤久要新知從暮室崎嶇枉道過邂逅幽人出心
期不會面懷之成首疾向夕敞山扉臨窻玩餘帙蜘蛛
正網戶落花紛入膝浸淫水上風蔽虧霞中日良辰一

攜手住坐無傳匹劉侯務屬書江生勤下筆朱君博辭
理去去追名實是顧一參差何能更蓬華吾人少拘礙
得性便遊逸方欲俟寒裳相從懽道術

春暮喜晴酬袁戶曹苦雨

振衣喜初霽褰裳對晚晴落花猶未捲時鳥故餘聲春
芳空悅目游客反傷情鄉園不可見江水獨自清願得
同攜手歸望對都城

苦熱

昔聞草木焦今窺

一作
覩

沙石爛燼燼風逾靜瞳瞳日漸

盱習靜悶

一作
悶

衣巾讀書煩几案卧思清露浥坐待高

星燦蝙蝠戶中飛蟻蠓窻間亂實無河朔飲空有臨淄

汗遺金不自拾惡木寧無幹願以三伏晨催促九秋換

七夕

仙車駐七襄鳳駕出天潢月映九微火風吹百和香來

懽暫巧笑還淚已沾裳

一作
帝粧

依稀如洛汭倏忽似高唐

別離未得語河漢漸湯湯

揚州法曹梅花盛開

兔園標物序驚時最是梅
銜霜當路發映雪擬寒開
枝橫卻月觀花繞凌風臺
朝灑長門泣夕駐臨邛杯
應知早飄落故逐上春來

行經孫氏陵

昔在零陵厭神龜若無依
逐兔爭先捷倚鹿競因機
呼喻開伯道叱咤掩江畿
豹變分奇略虎視肅戎威
長蛇劔已漢驥馬絕淮淝
交戰無內禦重門豈外扉
成功舉

已棄凶德愼而違水龍忽東驚青蓋乃西歸竭來已

一作

易永久年代曖微微苔石疑文字荆墳失是非山鶯空
曙響隴月自秋暉銀海終無浪金鳬會不飛閒寂今如
此望望沾人衣

塘邊見古冢

行路一孤墳路成墳欲毀空疑年代積不知陵谷徒幾
逢

一作經

秋葉黃驟見春流滿金蠶不可織玉樹何時蕊

陌上驅馳人笑歌自侈靡今日非明日所念誰憐此

哭吳興柳惲

南州擅荆梓上國稱羽儀伊人以戴德李公傷在期遠

識內無愠深衷外有規

一作窺

清文窮麗則弘論盡高奇

多能誠所貴小善聊復為百步均射業八體妙臨池曲

悟同神解龜謀信有知入朝耿長劍出牧盛層麾納言

信加首豐貂亦在移霞區兩借冠貪泉一舉卮翰飛矯

未極朝露溘先危以茲舊館想況乃西日垂蔓草生車

轍枯木卧崩砥樽酒誰為滿靈衣空自披眷言尋惠好

慟哭悲路歧含毫徒有屬搦管竟無摘

登禪岡寺望和虞記室

南望南郭門拱樹梢雲密北窻北溱

一作溱

道重樓霧中

出接樹隱高蟬交枝承落日光陰不可捨懷抱何由悉

答高博士

北窻涼夏首幽居多卉木飛蜨

一作蝶

弄晚花清池映疎

竹為宴得快性安閑聊鼓腹將予厭囂塵就予開耳目

贈王左丞

欄外鶯啼罷園裏日光斜游魚亂水葉輕燕逐風花長
墟上寒靄曉樹沒歸霞九華暮已隱抱鬱徒交加

敬酬王明府

星稀初可見月出未成光澄江照遠火夕霞隱連檣賤
軀臨不測玉體畏垂堂念別已零淚況乃思故鄉

西州直示同員

日長禁戶倦即事思短晨漏盡唱聲急此理復傷人矛
盾交為論光壁帶成珍誓將收飲啄得得任心神

野夕答孫郎擢

山中氣色滿墟上生烟露杳杳星出雲啾啾雀隱樹虛
館無賓客幽居乏懽趣思君意不窮長如流水注

石頭答庾郎丹

高樹陰樓密細草綠成被黃鸝隱葉飛蛺蝶紫室戲陰
岑自爾悅寂寥予罕寄相如阻禁闈何由從簡易

日夕出富陽浦口和朗公

客心愁日暮徙倚空望歸山烟涵樹色江水映霞暉獨

鶴凌室

一作風

逝雙鳬出浪飛故鄉千餘里茲夕寒無衣

臨行與故遊夜別

歷稔共追隨一旦辭羣匹復如東注水未有西歸日夜
雨滴空堦曉燈暗離室相悲各罷酒何時同一作更促膝

與胡興安夜別

居人行轉軾客子暫維舟念此一筵笑分為兩地愁露
濕寒塘草月映清淮流方抱新離恨獨守故園秋

車中見新林分別甚盛

金谷賓遊盛青門冠蓋多隔林望行憶下阪聽鳴珂於
時春未歇麥氣始清和還入平原逕窮巷可張羅

曉發

早霞麗初日清風消薄霧水底見行雲天邊看遠樹且
望沿沂劇暫有江山趣疾免聊復起爽地豈能賦

慈姥磯

暮烟起遙岼斜日照安流一同心賞夕暫解去鄉憂野
岸平沙合連山遠霧浮客悲不自己江上望歸舟

見征人分別

淒淒日暮時親賓俱竚立征人拔劍起兒女牽衣泣候
騎出蕭關追兵赴馬邑且當橫行去誰論累屍入

同虞記室登樓望遠歸

登樓欲望遠遙遙見白衣白衣猶遠遠言是稍知非對
窓看寶瑟入戶弄鳴機無令日光晚門閣掩重扉

與虞記室諸人詠扇

如珪信非玷學月但為輪機杼靡蕪妾裁縫篋笥人搖

風入素手占曲掩朱唇羅袖幸拂拭微芳聊可因

看伏郎新婚

霧夕蓮出水霞朝日照染何如花燭夜輕扇掩紅粧良
人復灼灼席上自生光所悲高駕動環珮出長廊

詠娼婦

曖曖高樓暮華燭帳前明羅帷雀釵影寶瑟鳳雛聲庭
花枝上發新月霧中生誰念當窻牖相望獨盈盈

詠舞

管清羅薦合絃驚雪袖遲逐唱迴纖手聽曲轉蛾眉凝
情眇墮珥微睇託含辭日暮留嘉客相看愛此時

望新月示同羈

初宿長淮上破鏡出雲明今夕千餘里雙蛾映水生的
的與沙靜灩灩逐波輕望鄉皆下淚非我獨傷情

詠春雪寄族人治書思澄

可憐江上雪迴風起復滅本欲映梅花翻悲似玉屑朝
驚日弄響暮條行可結咸言不適時安知非矯節

和司馬博士詠雪

凝階夜似月拂樹曉疑春
蕭散忽如盡徘徊已復新
暫蔽卷紈質復慙施粉人
若逐微風起誰言非玉塵

詠白鷗兼嘲別者

可憐雙白鷗朝夕水上遊

玉臺作浮

何言異棲息雌雄不

留孤飛出溆浦獨宿下滄洲
東西從此別影響絕無由
行經范僕射故宅

旅葵應蔓井荒藤已上扉
寂寂空郊暮無復車馬歸
激

灩故池水蒼茫落日暉遺愛終何極

一作聞寂
今如此

行路獨

沾衣

王尚書瞻祖日

昱昱丹旒振亭亭素蓋立金鐸
誰已鳴龍輶將復入華臺
日未徙荒墳路行濕已矣將何如
賓馭皆灑泣

送褚都曹

君隨結客去我乃倦遊歸
本願同棲息今成相背飛

送司馬闕入五城

隨風飄岸葉行雨暗江流居人會應返空欲送行舟
邊城思

柳黃未吐葉水綠半含苔春色邊城動客思故鄉來
為人妾思二首

魂銷形已去釵落猶依枕欲去淚無背不看悲復甚
機中刺繡所窻下朝粧處未憶神已傷欲忘悲不去
為人妾怨

燕戲還簷際花飛落枕前寸心君不見拭淚坐調絃

閨怨二首

竹葉響南窻月光照東壁誰知夜獨覺枕前雙淚滴
閨閣行人斷房櫳月影斜誰能北窻下獨對後園花

南苑

苑門闢千扇苑戶開萬扉樓殿聞珠履竹樹隔羅衣
苑中見美人

羅袖風中捲玉釵林下耀團扇承落花復持掩餘笑

詠春風

可聞不可見能重復能輕鏡前飄落粉琴上響餘聲

離夜聽琴

別離既有緒琴瑟反成悲美人多怨態亦復慘長眉

相送

客心已百念孤遊重千里江暗雨欲來浪白風初起
答江革聯句不成

日余乏文幹逢君善草札工拙既不同神氣何由拔
又答江革

棘端雖非譬至妙安可量要知同罔象然始見毫芒

詠雜花

井上發新花誰言不經染已如薄紫拂復似濃紅點狀
錦無裁縫依霞有舒斂

聯句

擬古三首聯句

家本青山下好上青山上青山不可上一上一惆悵

避

匣中一明鏡好鑑明鏡光明鏡不可鑑一鑑一情傷

范雲

少知雅琴曲好聽雅瑟聲雅琴不可聽一聽一沾纓

劉考

綽

往晉陵聯句

臨別我傷悲送歸子自適劉金不可散卜蓋何由惜

遜

從來重分陰未曾輕尺璧故任情一異於是望三益

高爽

爾自高樓寢予返東臯陌寄語落毛人非復平原客

遜

問舍且求田音亂無可擇勝門成好事盤紆欲何索

關

范廣州宅聯句

洛陽城東西却作經年別昔去雪如花今來花似雪

雲

濛濛夕烟起奄奄殘暉滅非君愛滿堂寧我安車轍

遜

相送聯句

寸陰常可惜別至倍傷神子瞻天際水予望路中塵

韋點

憫憫歧路側去去平生親一朝事千里流涕向三春

遜

二

昔共入門笑今成送別悲君還舊聚處為我一頓眉

王江

乘於今還促膝自此客江湄願子俱停駕看我獨解維

遜

三

高軒雖駐軫餘日久無輝以我辭鄉淚沾君送別衣

遜

至大雷聯句

高談會良夕滿酒對羈情閔閔風烟動蕭蕭江雨聲

遜

密雲窮浦暗飛電遠洲明若非今宴適詎使客愁輕

劉孺

遙舟似連鴈遠火若迴星江潭望如此銜卮共君傾

桓季

珪

賦詠聯句

弊履常決踵眉高起半額曼倩爾何為獨歎長安索

遜

工商既慚巧農士聊相易蠓腹有餘資鴻眉方可拍

江革

攝職媿握蘭濫官悲執戟連章既不敏高談豈能劇

孺

逸翮任奮飛窘步事羈勒還鳥余能繫流言爾無惑

革

憂懷乃千載永歡常數刻直是悲別離非關念通塞

遜

日照汀沙素山影波浪黑爾限大江南余歸茂陵北

孺

臨別聯句

臨別情多緒送歸涕如霰君望長安城予悲獨不見
爾來同去國予歸方異縣懷別心獨憂手淚方濺濺

孺遜

增新曲相對聯句

酒闌日隱樹上客請調絃嬌人挾瑟至逶迤未肯前

劉孝

勝

舊愛今何在新聲徒自憐有曲無人聽徒倚高樓前

何登

徘徊映日照轉側被風吹徒為相思響傷春君不知

劉綺

月昏樓上坐含悲望別離已切空牀怨復看花柳枝

遜

照水聯句

插花行理鬢遷延去復歸雖憐水上影復恐濕羅衣

遜

折花聯句

笑出春園裏望花聯袂纈欲以間珠鈿非為相思折

遜

日照爛成綺風來聚疑雪試採一枝歸願持因遠別

綺

搖扇聯句

紈扇已新製蕩婦復新粧欲掩羞中笑還飄袖裏香

遜

在握時搖動當歌掩抑揚誰云減羅袂影日聊自障

綺

正釵聯句

竹臺歸欲礙花林出未通度簪先分影轉珥忽瞻風

遜

雙橋耀寶鈿闌闌密復叢羞令挂

一作桂


纓闕整挿補餘

空

綺



漢魏六朝百三集卷一百



總校官庶吉士臣侍朝

校對官編修臣范衷

謄錄監生臣馬嗣佺